

## **O Sportsko – rekreativnom centru Ajdinovići!**

Prvi i jedini all inclusive centar u BiH već nekoliko godina je primarna destinacija gostiju iz države i regiona. Resort sa 4 zvjezdice smješten u čudesnom prirodnom ambijentu koji gostima pruža jedinstveno i nezaboravno iskustvo.

Zimu i snježne padavine gosti mogu iskoristiti za sankanje i skijanje po već unaprijed pripremljenim stazama. Također tokom zimske sezone, u skladu sa vremenskim prilikama, otvoreno je i klizalište za djecu i odrasle uz obezbjeđenu opremu.

Kao što je ranije navedeno, u all inclusive ponudi je uključen boravak, ali i hrana, piće, uživanje u čarima SPA centra te nevjerovatnog krajolika u srcu Romanijske i Nišićke visoravni, koja je u zimskim mjesecima posebno čudesna.

### **Smještajne jedinice**

Ajdinovići su s razlogom turističko naselje, jer nudimo nekoliko vrsta smještajnih kapaciteta, za svaki vid odmora i to: hotel, novi apart hotel, depadans u središtu Centra, bungalovi uz šetnice i jezera, planinske kuće okružene šumom ili luksuzne vile u tihoj zoni Centra.

Hotelske sobe su opremljene po najvišim standardima i gosti koji žele boraviti u neposrednoj blizini usluga i sadržaja Centra onda je hotel pravi izbor. Za bračne parove sa djecom, grupe prijatelja ili goste koji jednostavno preferiraju boravak u zasebnim jedinicama onda su planinske kuće, bungalovi i luksuzne vile prava stvar.

Sobe su opremljene po najsavremenijim standardima, te zavisno od broja kreveta sadrže: francuski ležaj, dvosjed, fotelju, TV, toalet, kupatilo, ormar za odjeću, balkon sa stolom i stolicama, pogled na bogato prirodno okruženje, besplatan parking.

### **Dodatne aktivnosti**

Kompleks Ajdinovići za goste koji žele dodatno ispuniti svoje vrijeme i učiniti boravak interesantnijim nudi sljedeće aktivnosti: vožnja quodom i motornim sankama, stoni tenis i stoni nogomet te veoma popularne usluge fizioterapeuta.

Kompleks SRCA opremljen je savremenim sportskim terenima za veliki i mali fudbal, košarku, odbojku, tenis, rukomet, badminton, biciklističkim stazama. Iskoristite svoje vrijeme na pametan način, zabavite se i osvježite rekreacijom!

Program sa fizioterapeutom se sastoji od raznih vrsta masaža, hidžama i tretmani kiropraktike. Za sve goste je dostupno individualno savjetovanje i program prilagođen njihovim potrebama.

Također, u dućanu SRCA gostima nudimo širok izbor domaćih, organskih proizvoda pravljenih u kuhinji Ajdinovići. Šumski i livadski med, ajvar, džem od šipka, + sok od aronije i ljekovito bilje su samo neki od proizvoda iz naše ponude. Za djecu od 5 do 15 godina svakodnevno organizujemo animacijski program kojim će ispuniti svoj dan. Upoznajte Elsu, Spongeboba, pronađite Rudolfa i takmičite se sa ostalim mališanima.

***I ne zaboravite – odmor je tamo gdje odmorite dušu i napunite se pozitivnom energijom.***